


De Palm Tours ta di fiesta:

De Palm Island cumpliendo 20 año di existencia



ORANJESTAD (AAN): Tempo cu Refeneria di LAGO a sera su portanan na 1985, De Palm Holdings- a conclui cu turismo lo reemplaza refinamento di petroleo, como un entrada di intercambio extranhero, y lo bira e pilar mas importante di economia di Aruba.

De Palm Tours a decubri e tempo ey tambe cu tur hende tabata enfoca riba construcion di hotel pa e industria di turismo, pero ningun hende tabata pensa riba e facilidatnan recreacional y actividadnan pa e bishitante- nan haci durante nan estadia na Aruba. E compania e ora ey a dicidi di combina su servicio di transporte, cu un desaroyo agresivo cu facilidatnan recreacional y servicionan aquatico. Asina e inversion pa desaroya De Palm Island a ser hustifica.

Pesey a cuminsa busca sitionan di recreo, capaz pa duna bishitantenan di Aruba y residentenan local, posibilidadnan unico y inovativo di entretenimiento. E intencion tabata cu e facilidatnan aki lo ofrece tambe atraccion di turismo nobo y un destinacion pa nan boto, bus, jeep, y auto-nan, ATV, etc. E motibo principal tabata pa solidifica e compania su posicion di lider den e industria di turismo di Aruba.

E motibo mas importante pa selecciona un isla priva, ta pa motibo cu islanan priva tin un percepcion unico den e bistanan di tur clientenan, mundialmente. E percepcion aki a ser confirma, ora cu Señora Jaqueline Kennedy y Sr. Onnasis, a contrae matrimonio riba nan isla priva. Residentenan di mundo

tabata encanta cu e lugar. Fuera di esey tabatin un programa di television cu e nomber di "Fantasy Island" cu Ricardo Montalban y cu tabata ser filma riba un isla priva; e programa a haya bon aclamacion, pa motibo cu el a enfoca un isla priva.

Asina e idea pa desaroya un isla priva, como un centro di entretenimiento y recreacion a nace. E proyecto aki a bira un modelo pa Caribe. Miyones di dollar a ser inverti den e isla priva aki, cu a habri na Januari 1988. Den un tempo cortico el a bira un centro di recreacion pa e bishitante- nan di Aruba, mescos tambe pa nos propio residentenan local. E grupo mas grandi cu a ser entretene riba e isla, aki den un solo funcion, tabata 1600 empleado di Valero, riba nan Dia di Famia. E isla aki por ser usa pa fiestanan cu temanan, mescos tambe tur otro sorto di funcion.

E ta situa tambe meimei di un formacion di coral den un rif y ta habita pa e variedad mas grandi di bida marino tropical y piscanan. E "Blue Parrotfish", ta e residente mas famoso di De Palm Island. Pa e motibo aki el a bira e lugar mas ideal pa snorkel. Fuera di turistanan, residentenan local tambe ta haci uso amplio di e facilidad pa fiestanan di oficina, matrimonio, bishitantenan di gruponan incentivo, etc. Riba De Palm Island bo ta haya diferente edificio, manera bar, restaurant, un tienda di souvenir, beach y diferente cushina y por worde usa durante dia y anochi.


Den e proceso, De Palm Island a crea un destinacion

atractivo pa e botonan di De Palm Water sports, e busnan di De Palm Tours, y e jeepnan, mescos e Landrovernan di De Palm Car Rental, etc. Cu otro palabra e companianan aki tin un lugar mas, pa hiba nan clientenan. Un pier cu nomber di Port De Palm, a ser construi na Balashi riba tera firme di Aruba, na e otro banda di e isla De Palm Island, pa asina duna acceso na e isla. De Palm tin un flota di botonan ferry, cu ta hiba e pasaheronan entre e isla di Aruba y De Palm Island. E "ferry boat" nan aki ta sali cada 15 minuut.

De Palm Island ta un extension logico di e actual estructura di e companianan. E ta ofrece e companianan di De Palm Group, un oportunidad excelente pa asina mehora nan mesun linjanan di producto y servicionan. Di otro banda e otro miembronan di De Palm Group, ta haci nan contribucion door di constantemente manda un cantidad di clientenan pa De Palm Island.

De Palm Island a bira un isla "all inclusive"

Pa por fortalece e controlnan financiero, De Palm Island a bira un destinacion "all inclusive". Bishitantenan ta paga un prijs cu ta inclui e biahe di e ferry pa y for di e isla, ekiponan di snorkel, tur bebida y cuminda. E stacion di cashiarnan a ser kita y no tin intercambio di placa, una bez e pasaheronan yega De Palm Island. E unico actividadnan opcional ta Seatrek, compra na e tienda di sou-





DE PALM island

Pabien cu boso

20 año

di parti

post aruba

venir, y biahenan di sum- buyamento. Seatrek ta un parke submarino desaroya y traha door di De Palm

Sigui lesa
Pg. 32